



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ  
ՔՆՆՈՂ ԱՆՁ**

ք. Երևան

17.01.2019թ.

**Ո Ր Ո Շ ՈՒ Մ**

**ՀՀ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ**

**ՔՆՆՈՂ ԱՆՁԻ**

**թիվ ՍՑ-ԷՍ-2018/199**

ՀՀ գնումների հետ կապված բողոքներ քննող անձը (այսուհետ՝ նաև Բողոքներ քննող անձ) ուսումնասիրելով Հայաստանի Հանրապետության ֆինանսների նախարարության կողմից 21.12.2018թ. թիվ 27/26-3/23897-18 գրությամբ «Ֆուդբազա» ՍՊԸ-ին (ՀՎՀՀ 02673312) գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգով ներկայացված հիմքերը, պարզեց հետևյալը.

**1. ՀՀ ֆինանսների նախարարության ներկայացրած փաստերը և պահանջը.**

ՀՀ ֆինանսների նախարարությունը, ՀՀ ԱՍՀՆ «Գյումրու երեխաների տուն» ՊՈԱԿ-ի (այսուհետ՝ նաև Պատվիրատու) 14.12.2018թ. թիվ Մ/Պ-18/104 գրության հիման վրա, 21.12.2018թ. նախաձեռնել է «Ֆուդբազա» ՍՊԸ-ին (այսուհետ՝ նաև Ընկերություն) գնումների գործընթացին մասնակցելու իրավունք չունեցող մասնակիցների ցուցակում (այսուհետ՝ նաև Ցուցակ) ներառելու ընթացակարգ՝ ՀՀ գնումների հետ կապված բողոքներ քննող անձին ներկայացնելով համապատասխան հիմքեր:

## **2. ՀՀ ԱՍՀՆ «Գյումրու երեխաների տուն» ՊՈԱԿ-ի ներկայացրած փաստարկները և դիրքորոշումը.**

ՀՀ ԱՍՀՆ «Գյումրու երեխաների տուն» ՊՈԱԿ-ը 14.12.2018թ. թիվ Մ/Պ-18/104 գրությամբ դիմել է ՀՀ ֆինանսների նախարարությանը՝ հայտնելով հետևյալը.

«ՀՀ աշխատանքի և սոցիալական հարցերի նախարարության և «Ֆուդբազա» ՍՊԸ-ի միջև 09.04.2018թ. կնքված N «ԱՍՀՆ-ՊՈԱԿ-ԳՀԱՊՁԲ-18/6-ԳԵՏ-ՏԳ» ծածկագրով գնման պայմանագրի (այսուհետ՝ Պայմանագիր) համաձայն «Ֆուդբազա» ՍՊԸ-ն պարտավոր էր 2018թ. ընթացքում մատակարարել 17500 հատ «մանկական տակդիր N6», սակայն մատակարարել է ընդամենը 2720 հատ «մանկական տակդիր N6», իսկ մնացածի մասով Պայմանագրով նախատեսված պայմաններին համապատասխան մատակարարում չի իրականացվել:

Հիմք ընդունելով վերոգրյալը՝ Պայմանագրի 2.5 կետը և 2.1.7.1 կետի «բ» ենթակետի պահանջները՝ «Գյումրու երեխաների տուն» ՊՈԱԿ-ը 10.12.2018թ. միակողմանի մասնակի լուծել է N «ԱՍՀՆ-ՊՈԱԿ-ԳՀԱՊՁԲ-18/6-ԳԵՏ-ՏԳ» ծածկագրով գնման պայմանագիրը»:

Պատվիրատուն պատշաճ ծանուցվել է Բողոքներ քննող անձի կողմից հրավիրված նիստերի ժամանակացույցի վերաբերյալ, սակայն չի ապահովել իր ներկայացուցչի մասնակցությունը նիստերին:

## **3. «Ֆուդբազա» ՍՊԸ-ի ներկայացրած փաստարկները և դիրքորոշումը.**

Բողոքներ քննող անձը դիմել է «Ֆուդբազա» ՍՊԸ-ին՝ հնարավորություն ընձեռելով ՀՀ ֆինանսների նախարարության կողմից 21.12.2018թ. թիվ 27/26-3/23897-18 գրությամբ Բողոքներ քննող անձի մոտ նախաձեռնված ընթացակարգի վերաբերյալ ներկայացնել Ընկերության գրավոր դիրքորոշումը, սակայն վերջինիս կողմից որևէ գրավոր դիրքորոշում չի ներկայացվել:

Ընկերությունը, պատշաճ ծանուցված լինելով Բողոքներ քննող անձի մոտ կայանալիք նիստերի ժամանակացույցի վերաբերյալ՝ չի ապահովել իր ներկայացուցչի մասնակցությունը նիստերին:

**4. ՍՑ-ԷՍ-2018/199 ընթացակարգի քննության համար էական նշանակություն ունեցող փաստերը, Բողոքներ քննող անձի հիմնավորումները և եզրահանգումը.**

Բողոքներ քննող անձն ուսումնասիրել է ՀՀ ֆինանսների նախարարության 21.12.2018թ. թիվ 27/26-3/23897-18 գրությունը և կից փաստաթղթերը, ՀՀ ԱՍՀՆ «Գյումրու երեխաների տուն» ՊՈԱԿ-ի 14.12.2018թ. թիվ Մ/Պ-18/104 գրությունը, ՀՀ ԱՍՀՆ «Գյումրու երեխաների տուն» ՊՈԱԿ-ի և «Ֆուդբազա» ՍՊԸ-ի միջև 09.04.2018թ. կնքված N «ԱՍՀՆ-ՊՈԱԿ-ԳՀԱՊՁԲ-18/6-ԳԵՏ-ՏԳ» ծածկագրով գնման պայմանագիրը.

ՀՀ ԱՍՀՆ «Գյումրու երեխաների տուն» ՊՈԱԿ-ի և «Ֆուդբազա» ՍՊԸ-ի միջև 09.04.2018թ. կնքվել է սանհիգիենիկ պարագաների մատակարարման «ԱՍՀՆ-ՊՈԱԿ-ԳՀԱՊՁԲ-18/6-ԳԵՏ-ՏԳ» ծածկագրով գնման պայմանագիրը (այսուհետ՝ նաև Պայմանագիր):

Պայմանագրի՝

- 1.1 կետի համաձայն՝ Վաճառողը պարտավորվում է նույն պայմանագրով (այսուհետ՝ պայմանագիր) սահմանված կարգով, ծավալներով, ժամկետներում և հասցեով Գնորդին մատակարարել պայմանագրի N 1 հավելվածով՝ Տեխնիկական բնութագիր-գնման-ժամանակացուցով նախատեսված ապրանքը (այսուհետ՝ ապրանք), իսկ Գնորդը պարտավորվում է ընդունել ապրանքը և վճարել դրա համար:

- 2.1.1 կետի համաձայն՝ Գնորդն իրավունք ունի՝ ապրանքը պայմանագրով սահմանված ժամկետում Վաճառողի կողմից չմատակարարելու դեպքում հրաժարվել ապրանքից, եթե մատակարարման ժամկետները խախտվել են 10 օրից ավելի:

- 2.1.7 կետի համաձայն՝ Գնորդն իրավունք ունի միակողմանի լուծել պայմանագիրը (լրիվ կամ մասնակի), եթե Վաճառողն էականորեն խախտել է պայմանագիրը.

- 2.1.7.1 կետի համաձայն՝ Վաճառողի կողմից պայմանագիրը խախտելն էական է համարվում, եթե՝

- ա) մատակարարվել է անպատշաճ որակի ապրանք, որը չի կարող փոխարինվել Գնորդի համար ընդունելի ժամկետում.

- բ) ապրանքի մատակարարման ժամկետները խախտվել են 10 օրից ավելի:

- 2.2.4 կետի համաձայն՝ Գնորդը պարտավոր է ապրանքի քանակի, տեսականու, որակի մասին պայմանագրի պայմանները խախտելու մասին Վաճառողին ծանուցել թերությունը հայտնաբերելուց հետո անմիջապես կամ այն բանից հետո՝ ողջամիտ ժամկետում, երբ պայմանագրի համապատասխան պայմանի խախտումը պետք է հայտնաբերված լիներ՝ ելնելով ապրանքի բնույթից և նշանակությունից:

- 2.4.1 կետի համաձայն՝ Վաճառողը պարտավոր է Գնորդին հանձնել ապրանքը՝ պայմանագրով նախատեսված կարգով, ծավալներով, ժամկետներում և հասցեով:

- 2.5 կետի համաձայն՝ ՀՀ կառավարության 2007թ. մայիսի 4-ի թիվ 526-Ն որոշմամբ հաստատված «Գնումների գործընթացի կազմակերպման» կարգի 104-րդ կետի պահանջներին համապատասխան Պայմանագրով սահմանված Գնորդի իրավունքների և պարտականությունների իրականացումը վերապահվում է «Գյումրու երեխաների տուն» ՊՈԱԿ-ին:

- 3.1 կետի համաձայն՝ Պայմանագրի ընդհանուր գինը կազմում է 1,645,000 ՀՀ դրամ (ներառյալ ԱԱՀ):

- 5.1 կետի համաձայն՝ Մատակարարված ապրանքն ընդունվում է Գնորդի և Վաճառողի միջև հանձնման-ընդունման արձանագրության ստորագրմամբ: Ապրանքը Գնորդին հանձնելու փաստը ֆիքսվում է Գնորդի և Վաճառողի միջև երկկողմ հաստատված փաստաթղթով՝ նշելով փաստաթղթի կազմման ամսաթիվը: Մինչև պայմանագրով ապրանքի մատակարարման համար նախատեսված օրը ներառյալ Վաճառողը Գնորդին է տրամադրում իր կողմից ստորագրված՝ ապրանքը Գնորդին հանձնելու փաստը ֆիքսող փաստաթուղթը և հանձնման-ընդունման արձանագրության 2 օրինակ:

- 5.2 կետի համաձայն՝ հանձնման-ընդունման արձանագրությունը ստորագրվում է, եթե մատակարարված ապրանքը համապատասխանում է պայմանագրի պայմաններին: հակառակ դեպքում պայմանագրի կամ դրա մի մասի կատարման արդյունքները չեն ընդունվում, հանձնման-ընդունման արձանագրությունը չի ստորագրվում(...):

- 5.3 կետի համաձայն՝ Գնորդը հանձնման-ընդունման արձանագրությունը ստանալու օրվան հաջորդող աշխատանքային օրվանից հաշված 5 աշխատանքային օրվա

ընթացքում Վաճառողին է ներկայացնում իր կողմից ստորագրված հանձնման-ընդունման արձանագրության մեկ օրինակը կամ ապրանքը չստանալու պատճառաբանված մերժումը:

- 8.9 կետի համաձայն՝ Վաճառողի կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը Գնորդը հրապարակում է [www.procurement.am](http://www.procurement.am) հասցեով գործող ինտերնետային կայքի «Պայմանագրերը միակողմանի լուծելու մասին ծանուցումներ» բաժնում՝ նշելով հրապարակման ամսաթիվը: Վաճառողը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, նույն կետով սահմանված հրապարակվելուն հաջորդող օրվանից:

Պայմանագրի N 1 հավելվածով նախատեսված Տեխնիկական բնութագիր-գնման ժամանակացույցի համաձայն՝ Ընկերությունը պարտավորվել է մատակարարել մանկական տակդիրներ N6 /17500 հատ/:

Նույն Տեխնիկական բնութագիր-գնման ժամանակացույցով ապրանքի մատակարարման վերջնաժամկետ է սահմանվել՝ ըստ Պատվիրատուի պահանջի՝ մինչև 20.12.2018թ.:

14.06.2018թ. ՀՀ ԱՍՀՆ «Գյումրու երեխաների տուն» ՊՈԱԿ-ի և «Ֆուդբազա» ՍՊԸ-ի միջև ստորագրվել է հանձնման-ընդունման արձանագրություն առ այն, որ Պատվիրատուի կողմից ընդունվել է փաստացի մատակարարված թվով 2720 տակդիր՝ պայմանագրի գնման ժամանակացույցով նախատեսված քանակի փոխարեն: Կողմերի միջև ստորագրվել է նաև ապրանքի նշված խմբաքանակը Գնորդին հանձնելու փաստը ֆիքսելու վերաբերյալ ակտը:

Նույն օրը՝ 14.06.2018թ. Պատվիրատուի գնման հայտը նախագծած ներկայացուցչի կողմից հաստատվել է Պայմանագրի կատարման վերաբերյալ դրական եզրակացություն:

Պատվիրատուն 10.12.2018թ. թիվ Մ/Պ-18/99 գրությամբ դիմել է Ընկերությանը՝ ծանուցելով հետևյալը.

«ՀՀ աշխատանքի և սոցիալական հարցերի նախարարության և «Ֆուդբազա» ՍՊԸ-ի միջև 09.04.2018թ. կնքված N «ԱՍՀՆ-ՊՈԱԿ-ԳՀԱՊՁԲ-18/6-ԳԵՏ-ՏԳ» ծածկագրով գնման պայմանագրի (այսուհետ՝ Պայմանագիր) համաձայն «Ֆուդբազա» ՍՊԸ-ն պարտավոր էր 2018թ. ընթացքում մատակարարել 17500 հատ «մանկական տակդիր N 6», սակայն

մատակարարել է ընդամենը 2720 հատ «մանկական տակդիր N6», իսկ մնացածի մասով Պայմանագրով նախատեսված պայմաններին համապատասխան մատակարարում չի իրականացրել, և բանավոր տեղեկացրել է հետագա մատակարարումներն իրականացնելու անհնարինության մասին:

Հիմք ընդունելով վերոգրյալը՝ Պայմանագրի 2.5 կետը և 2.1.7.1 կետի «բ» ենթակետի պահանջները՝ «Գյումրու երեխաների տուն» ՊՈԱԿ-ը 10.12.2018թ. միակողմանի մասնակի լուծում է N «ԱՍՀՆ-ՊՈԱԿ-ԳՀԱՊՁԲ-18/6-ԳԵՏ-ՏԳ» ծածկագրով գնման պայմանագիրը»:

Պայմանագրի միակողմանի լուծման մասին ծանուցումը 13.12.2018թ. Պատվիրատուն հրապարակել է նաև [www.procurement.am](http://www.procurement.am) հասցեով գործող ինտերնետային կայքի «Պայմանագրերը միակողմանի լուծելու մասին ծանուցումներ» բաժնում՝ նշելով հրապարակման ամսաթիվը:

ՀՀ քաղաքացիական օրենսգրքի (այսուհետ՝ Օրենսգիրք) 408-րդ հոդվածի համաձայն՝ պարտավորության խախտում է համարվում այն չկատարելը կամ անպատշաճ (կետանցով, ապրանքների, աշխատանքների և ծառայությունների թերություններով կամ պարտավորության բովանդակությամբ որոշվող այլ պայմանների խախտմամբ) կատարելը:

Օրենսգրքի 466-րդ հոդվածի 3-րդ մասի համաձայն՝ պայմանագիրը լրիվ կամ մասնակի կատարելուց միակողմանի հրաժարվելու դեպքում, երբ պայմանագրից հրաժարվելը թույլատրվում է օրենքով կամ կողմերի համաձայնությամբ, պայմանագիրը համապատասխանաբար համարվում է լուծված կամ փոփոխված:

«Գնումների մասին» ՀՀ օրենքի (այսուհետ՝ նաև Օրենք) 6-րդ հոդվածի՝

- 1-ին մասի 6-րդ կետի «ա» ենթակետի համաձայն՝ մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը.

- 2-րդ մասի համաձայն՝ գնումների գործընթացին մասնակցելու իրավունքից զրկված մասնակցի վերաբերյալ ունեցած տեղեկությունների հիման վրա լիազորված մարմինը ընթացակարգ է նախաձեռնում գնումների հետ կապված բողոքներ քննող անձի մոտ՝

առանց վճարի: Տվյալ մասնակցի կարծիքը լսելուց հետո գնումների հետ կապված բողոքներ քննող անձը նույն օրենքի 50-րդ հոդվածի 6-րդ մասով սահմանված ժամկետում որոշում է կայացնում մասնակցին նույն հոդվածով նախատեսված ցուցակում ընդգրկելու վերաբերյալ: Անձը նշված ցուցակում ընդգրկվում է երկու տարի ժամկետով:

Այսպիսով, Բողոքներ քննող անձն արձանագրում է, որ.

- ՀՀ ԱՍՀՆ «Գյումրու երեխաների տուն» ՊՈԱԿ-ի և «Ֆուդբազա» ՍՊԸ-ի միջև 09.04.2018թ. կնքվել է սանհիգիենիկ պարագաների մատակարարման «ԱՍՀՆ-ՊՈԱԿ-ԳՀԱՊՁԲ-18/6-ԳԵՏ-ՏԳ» ծածկագրով գնման պայմանագրով Ընկերությունը պարտավորվել է մատակարարել մանկական տակդիրներ N6 /17500 հատ/՝ 1,645,000 ՀՀ դրամ ընդհանուր գնով:

- Ընկերության կողմից Պայմանագրով ստանձնած պարտավորությունների կատարման շրջանակերում մատակարարվել է ընդամենը 2720 հատ մանկական տակդիր՝ 255,680 ՀՀ դրամ ընդհանուր գնով:

- «Գյումրու երեխաների տուն» ՊՈԱԿ-ը 10.12.2018թ. միակողմանի մասնակի լուծել է N «ԱՍՀՆ-ՊՈԱԿ-ԳՀԱՊՁԲ-18/6-ԳԵՏ-ՏԳ» ծածկագրով գնման պայմանագիրը:

Բողոքներ քննող անձը գտնում է, որ «Ֆուդբազա» ՍՊԸ-ն Պայմանագրով նախատեսված ապրանքը համապատասխան ծավալով և ժամկետներում չմատակարարելով՝ խախտել է Պայմանագրի 1.1 կետով ստանձնած պարտավորությունը, որը հանգեցրել է պատվիրատուի կողմից Պայմանագրի միակողմանի լուծմանը:

Հաշվի առնելով վերոգրյալը՝ Բողոքներ քննող անձը գտնում է, որ առկա է «Ֆուդբազա» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու՝ Օրենքի 6-րդ հոդվածի 1-ին մասի 6-րդ կետի «ա» ենթակետով սահմանված հիմքը:

Ելնելով վերոգրյալից և ղեկավարվելով «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի «ա» ենթակետով, 2-րդ մասով, 50-րդ հոդվածի 7-րդ մասի 2-րդ կետով՝ ՀՀ գնումների հետ կապված բողոքներ քննող անձը

1. ՀՀ ֆինանսների նախարարության կողմից Հայաստանի Հանրապետության ֆինանսների նախարարության կողմից 21.12.2018թ. թիվ 27/26-3/23897-18 գրությամբ «Ֆուդբազա» ՍՊԸ-ին (ՀՎՀՀ 02673312) գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգը բավարարել:

2. «Ֆուդբազա» ՍՊԸ-ին ընդգրկել գնումների գործընթացին մասնակցելու իրավունք չունեցող մասնակիցների ցուցակում՝ երկու տարի ժամկետով:

ՀՀ գնումների հետ կապված բողոքներ քննող անձի որոշումն իրավապարտադիր է, որը կարող է փոփոխվել կամ վերացվել, այդ թվում՝ մասնակի, միայն դատարանի կողմից:

ՀՀ գնումների հետ կապված բողոքներ քննող անձի ընդունած որոշումն ուժի մեջ է մտնում այն տեղեկագրում հրապարակելուն հաջորդող օրվանից:

**ՀՀ գնումների հետ կապված  
բողոքներ քննող անձ՝**



**ԷՄԻԼ ՍԱՐԳՍՅԱՆ**